

# HAUSTERRE EGUNA

## SARRERAKO OHARRA

Eleiza osoagaz batera, gaur emoten deutsagu hasierea Garizuma aldiari. Jainkoak, berrogei egun honeik, grazia, bihozbarritze eta ardurakidetasun bidetik bizi izatera gonbidatzen gaitu. Ibilbide hau era honetara egin ondoren, Pazko jai handira heltzen garanean, gure fede eta gure jarreraren benetako barritapena bizi izan daigun.

Garizumako ibilbide hau gure buru gainean hautsa ezarriz hasten dogu. Ezaugarri honen bidez txikiak, pekatariak, parkamenaren beharrean eta bihotz barritzearen dohaiaren preminan autortu nahi doguz geure buruak.

Baina guzti hau itxaropenez beterik egiten dogu, Jainko-Aitaren maitasuna eta parkamena, gure pekatuak eta gure porrotak baino handiago dirala dakigulako. Beragaz beti daukagu barriren barri hasteko aukerea.

## PROZESINOA ETA SARRERAKO ABESTIA

**Dei egingo deust, nik entzungo,  
ospez jantzi ta libratuko.  
Bizi luzea nik emongo,  
salbamenera eroango.**

*4. Sortu zuk nigan bihotz garbia, ene Jainko, ni barritu;  
bialdu zeure Espiritua, nire barrua sendotu.*

*6. Bide zuzena, bizi\_emoilea deustazu erakutsiko.  
Alaitasunez beteko nozu zeure aurrean betiko.*

## ABADEAREN AGURRA

† Aitaren eta Semearen...

Garizumako bihozbarritzera gonbidatzen gaituan Jesu Kristoren grazia eta maitasuna, izan bediz zuekin.

## Otoitza

Lagundu eiozu, Jauna, kristau-herriari  
barau-egun honegaz benetan bihotz-barritzeko bidea  
hasten,

penitentziaz indarturik,  
gaiztakeria espirituaren aurkako ahaleaginean  
garaile urten dagian.  
Zure Seme Jesu Kristo gure Jaunaren bitartez,  
Zurekin eta Espiritu Santuarekin batean  
Jainko eta errege bizi da-eta gizaldi eta gizaldietan.

## **JAINKOAREN HITZARI SARRERA**

Bihozbarritzea Jainkoagana adore sendo eta benetakoaz  
bihurtzea da. Jantziak urratzea barik bihotzak urratzea da.  
Graziaz eta adiskidetasunez beteriko aldi honetan, Jaunak  
ekintzarako hiru bide jartzen deuskuz. Bide honeik, giza  
familia handi bat eraikitzeko, behar dan lez ulertu eta bizi  
izan behar doguz: limosnea, otoitza eta baraua.

*Urratu egizuez bihotzak, ez soinekoak.*

## **Joelen Profezia liburutik // 2, 12-18**

Hauxe dino Jaunak:

«Bihurtu zaiteze Nigana bihotz-bihotzez,  
barauz, negarrez eta doluz.

Urratu egizuez bihotzak, ez soinekoak;  
bihurtu zaiteze Jaunagana, zeuen Jainkoagana,  
bihozbera eta errukitsua da-eta,  
hasarregatxa eta maitasun handikoa,  
bere mehatxuez damutzen dana.

Harenbaten atzera egin eta damutuko da,  
eta bedeinkatuko zaitue ostera,  
labore- eta isuri-oparia eskeini deiozuen  
Jaunari, zeuen Jainkoari.

Jo turuta Sionen, antolatu baraualdia, dei egin batzarrera;  
batu herria batzar santura,  
batu zaharrak, ekarri umeak, baita bularrekoak be.  
Urten begi senarrak ezkongelatik, emazteak ezkon-  
ohetik.


Negar egin begie atari eta altara bitartean  
abadeek, Jaunaren zerbitzariek.

Esan begie: "Parkatu, Jauna, parkatu zeure herriari;  
ez itzi lotsatan zeure ondarea,  
ez dagiela menperatu atzeritarrek,

ez dagiela esan beste herriek:  
 Non dabe, bada, euren Jainkoa? "»  
 Bere lurraldeagazko maiteminez bete zan Jauna  
 eta parkatu eutson bere herriari.

*Jaunak esana*

## Erantzun salmoa



Erruki nitaz, ene Jainko, zeure **maitasunaz**,  
 kendu nire hobena zeure neurribako errukiz.  
 garbitu nagizu zeharo neure errutik,  
 garbitu neure **pekatutik**. R/.

Autortzen dot, bai, neure hobena,  
 begi aurrean dot eten barik neure **pekatua**.  
 Zure aurka, zure aurka bakarrik, egin **dot** pekatu,  
 zure begietan oker dana egin dot. R/.

Ene Jainko, sortu bihotz garbia nigan,  
 barritu arnasa sendoa nire barruan.  
 Ez nagizu bota zeure aurretik,  
 ez kendu niri zeure arnasa santua. R/.

Poztu nagizu barriro zeure salbazinoaz,  
 sendotu nagizu zeure arnasa oparoaz.  
 Edegi, Jauna, nire ezpanak,  
 eta nire ahoak iragarriko dau zure gorespena. R/.

*Adiskidetu zaiteze Jainkoagaz: oraintxe da erruki-sasoia.*

## San Paulo Apostoluak Korintoarrei egindako bigarren epistolatik 2 Ko 5, 20-6, 2

Senideok: Kristoren mandatari gara, eta gure bitartez Jainkoak berak erregutuko baleutsue lez da. Kristoren izenean eskatzen deutsuegu: adiskidetu zaiteze Jainkoagaz. Pekatuagaz zerikusirik izan ez eban ha, Jainkoak gugaitik pekatuagaz bat egin eban, guk haren bitartez Jainkoaren salbazinoa lortu gengian.

Jainkoaren lankide garan ezkeru, eskatzen deusuegu, ez dagizuela alperrik hartu haren errukia. Izan be, Jainkoak dino: «Erruki-sasoian entzun deusut, eta salbazino-egunean lagundu». Begira, beraz: oraintxe da erruki-sasoia, oraintxe salbazino-eguna.

*Jaunak esana*



V/. Gaur, ez gogortu bihotza;  
entzun Jaunaren ahotsa.

*Ezkutuan be ikusten dauan zeure Aitak  
emongo deusua ordaina.*

## ✠ Jesu Kristoren Ebanjelioa San Mateoren liburutik

Mt 6, 1-6. 16-18

Aldi haretan, Jesusek esan eutsen ikasleei: «Begira, gero: ez egin zeuen egintza onak jentaurrean, ikusi zagiezan! Osterantzean, ez dozue zeruetan dagoan Aitaren saririk izango.

Limosna emotean, beraz, ez ibili aurretik turuta jotzen, itxurazaleak sinagogetan eta kaleetan ibiltzen diran lez, jenteak txalotu dagizan. Egia esan, horreek jaso dabe euren saria. Zuk limosna emotean, oster, ez begi jakin zure ezkerak zer egiten dauan eskumak; holan, zure limosna ezkutuan geldituko da; eta ezkutuan be ikusten dauan zeure Aitak emongo deusua saria.

Otoitz egitean, ez egin itxurazaleen erara; ze horreek sinagogetan eta plaza-ertzetan zutunik otoitz egitea maite dabe, jenteak ikusi dagizan. Egia esan, horreek jaso dabe euren saria. Zu, oster, otoitz egitean, sartu zaitez zeure gelan, itxi atea eta egiozu otoitz ezkutuan dagoan zeure Aitari; eta ezkutuan be ikusten dauan zeure Aitak emongo deusua saria.

Barau egitean, ez agertu bekakilun, itxurazaleak lez; ze

aurpegia itsusitu egiten dabe, barau egiten dabela jenteari agertzeko. Egia esan, horreek jaso dabe euren saria. Zuk, barriz, barau egitean, igurtzi zeure burua usain gozoz eta garbitu aurpegia, jenteak ez, baina ezkutuan dagoan zure Aitak ikusi dagian zure baraua; eta ezkutuan be ikusten dauan zeure Aitak emongo deutsu ordainsaria».

*Jaunak esana.*

## **HAUTSAREN BEDEINKAPENA ETA BURUAN EZARTEA**

Senideok: Egin deiogun otoitz Jainko Aitari, penitentziaren ezaugarritzat hartuko dogunok bere grazia ugariz bedeinkatu gaizan.

Oi Jainko, damutzen dana errukiz hartzen dozu  
eta bihotz-barritzen dana Zeugaz adiskidetzen;  
entzun aita-bihotzez zeure herriaren otoitza  
eta isuri bedeinkazinoaren † grazia  
errautsa hartuko daben zeure seme-alabon gainera,  
Garizumako bidea arretaz egin  
eta gogo-bihotzak erabarriturik,  
zure Semearen pazko-misterioa ospatzera heldu  
daitezan.  
Errege bizi da-eta gizaldi eta gizaldietan. R/. Amen.

## **Abestia**

Zabaldu egizuz, Jauna, zure errukizko ateak  
eta askatu guregan pekatuaren kateak.  
Parka, Jauna, zure semeon hutsegiteak.

Parkatu eiguzu, Jauna, egin dogun txarragaitik;  
parkatu baita egiteko itzi dogun onagaitik  
eta ez gaitezan aldendu zure bidetik.

## **Hautsa ezartean**

*—Aldamenean irakurgai-liburuagaz bat, hautsa hartu ondoren liburuari musu emoteko.*

† **Bihozbarritu zaitez eta sinistu Barri Ona.**

## **JAINKO HERRIAREN OTOITZA**

Graziatzko aldi honetan, hautsak ezer gutxi garala adierazoten deusku; mugatuak eta pekatariak garala.

Horregaitik zeugana joten dogu, Jainko Aita, gure laguntzan etorri zaitez:

**GARIZUMAKO ESKARIETAN**

E - gin dai - gun o - toitz. A - ger - tu gu - ri, Jau - na, zu - ree - rru - ki - a.

- Sufritzen dagozanakaitik; bereziki pekatuaren estrukturen biktimakaitik: langabetuakaitik, etxe bakoakaitik, “papelik bako” etorkinakaitik, gosez hiltzen dagozanakaitik, bertan behera itxita dagozanakaitik. Egin daigun otoitz.
- Gure Eleizearen alde. Konformismoa eta etsipena albo batera itzirik, Ebanjelioaganako eta behartsuenganako zintzotasunetik bilatu daizan bihozbarritzea eta gaurkotzea. Egin daigun otoitz.
- Gure Gizartearen alde: Ukrainako eta beste leku askotako armen zaratak eta negarrak isiltzen ahalegindu daiten, bake-bideak zabalduz. Egin daigun otoitz.
- Gu guztiokaitik, Garizumea Jesu Kristogandik eta anai-arrebekandik hurrago egoteko aldi barri baten hasieraa izan daiten. Egin daigun otoitz.

Jainko gure Aita, errukitu zaitez gure makaltasunaz, hautsa gara-ta, eta, zure seme-alabak garanez, lagundu eiguzu zure Erreinuranzko bidean erabaki sendoz joan gaitez. Jesu Kristo gure Jaunaren bitartez.

—Amen.

## Oparien gainera

Garizumari hasiera ospez emotean,  
sakrifizio hau eskeintzen deusugu, Jauna, eta otoitz egiten:  
gure penitentziek eta maitasunezko egintzek  
lagundu deiguela geure buruaren jaube izaten,  
geure pekatuetatik garbiturik  
zure Semearen nekaldia bihotzez ospatu daigun.  
Errege bizi da-eta gizaldi eta gizaldietan.

## Prefazioa

V./ Jauna zuekin..... R./ Eta zure espirituarekin  
V./ Gora bihotzak .....R./ Jaunagan daukaguz  
V./ Eskerrak Jaungoiko gure Jaunari.....R./ Egoki da eta zuzen.

Egoki da, bai, eta zuzen, bidezko eta salbagarri,  
nonahi eta beti guk Zuri eskerrak emotea,  
Jauna, Aita guztiz santu,  
Jainko ahalguztidun betiko horri.  
Guk Zuri eskerrak emotea nahi dozu-eta,  
penitentzia eginez eta jan-edanetan neurria hartuz;  
holan, gure pekatari-harrokeria hezirik  
eta gose diranei jatekoa emonez,  
zure bihotz zabalaren antzeko izan gaitezan.

Horregaitik, aingeru guztiekin batean, bihotz batez  
gorespen hau [esaten] kantatzen deutsugu: Santu, santu...

### **III. Eukaristi-Otoitza**

Santu zara, bai, Jauna,  
eta diran guztiek emoten deutsue behar dan gorespena.  
Zure Seme Jesu Kristo gure Jaunaren bitartez  
eta Espiritu Santuaren indarrez,  
Zeuk bizi azoten dituzu guztiak eta santutzen  
eta Zeuk diharduzu beti eta beti zeure herria batzen,  
eguzkialde batetik besteraino opari garbia eskeini dakizun.

Apalik, beraz, Jauna, eskatzen deutsugu:  
egin daizuzala santu, zeure Espirituaren indarrez,  
oparitako ekarri ditugun ogi-ardao honeek,  
zure Seme Jesu Kristo gure Jaunaren  
Gorputz eta † Odol egin daitezan,  
misterio honeek berak agindurik egiten ditugun ezker.

Berak, saldu eben gau haretan,  
ogia hartu eta, Zuri eskerrak emonez,  
bedeinkatu eban,  
zatitu eta bere ikasleei emon eutsen, esanez:

HARTU EIZUE ETA JAN GUZTIOK HONETATIK:  
HAU NEURE GORPUTZA DA-ETA,

## ZUENTZAT EMONGO DANA.

Era berean, afalondoan, kaliza harturik,  
Zuri eskerrak emonez, bedeinkatu eban  
eta bere ikasleei emon eutsen, esanez:

HARTU EIZUE ETA EDAN GUZTIOK HONETATIK:  
HAU NEURE ODOLAREN KALIZA DA-ETA,  
ITUN BARRI ETA BETIKOAREN ODOLA,  
ZUENTZAT ETA ASKORENTZAT  
PEKATUAK PARKATZEKO ISURIKO DANA.  
EGIZUE HAU NEURE OROIGARRI.

### **Hau da sinismenaren misterioa.**

Hil eta biztu zarala, Jauna,  
Zu barriz etorri arte, hau dogu, hau, barri ona!

Horregaitik, Jauna, guk,  
zure Semearen nekaldi salbagarria eta hilen artetik biztea  
eta zeruratze miragarria gogoratuz,  
haren azken etorrera itxaroten dogula,  
Zuri eskerrak emoteko eskeintzen deusugu  
sakrifizio bizi eta santu hau.

Begira, Jauna, zeure Eleizearen eskeintza honi;  
ikusi eskeintza honetan  
Zurekin baketu gaituan Jesu Kristoren oparia;  
egizu, Jauna, zure Semearen Gorputza eta Odola  
hartzen ditugunok,  
Espiritu Santuaz beterik, Jesu Kristogan  
gorputz bat eta espiritu bat izan gaitezala.

Berak egin gaizala Zuretzat betiko opari,  
zure aukeratuekin zerua jaritsi daigun:  
lehenengo, Maria guztiz dohatsua,  
Jainkoaren Ama beti Birjinarekin,  
haren senar Jose santuarekin,  
zure Apostolu eta martiri santuekin,  
**I. santuarekin** eta santu guztiekin;  
badakigu, honeen bitartez  
zure laguntza izango doguna nonahi eta beti.



Gu Zurekin baketzen gaituan opari hau izan bedi, Jauna,  
mundu guztiarentzat bake eta salbamen.

Mundu honetako ibilaldian,  
bete egizu sinismenez eta maitasunez zeure Eleizea:  
zeure zerbitzari Frantzisko gure Aita Santua,  
Joseba gure Gotzaina,  
beste gotzain eta eleizgizon(-emakume) guztiak  
eta zeurea dozun herri osoa.  
Entzun, bihotz onez,  
zeure aurrera deitu dozun familia honen otoitzak;  
Aita guztiz ona, erakarri Zeugana  
mundu zabalean banaturik dabiltzan zeure seme-alabak.

† Hildako gure senideak (...),  
eta mundu honetatik Zurekin adiskide joan diran guztiak,  
hartu eizuz bihotz onez zeure zeruan;  
geuk ere sinisten dogu  
zure aintzaren zorion betea izango dogula betiko,  
eurekin batean, Jesu Kristo gure Jaunaren bitartez;  
beronen eskuz emoten deutzazuz  
ondasun guztiak munduari.

HONEN BITARTEZ, HONEKIN ETA HONENGAN  
ZURI, AITA, JAUNGOIKO AHALGUZTIDUN HORRI  
ESPIRITU SANTUAREKIN BATEAN  
OSPE TA AINTZA GUZTIA  
GIZALDI TA GIZALDI GUZTIETAN. —Amen.

Salbatzaileak agindu ta irakatsiari jarraituz  
bildur barik esan dagigun.

<b>GURE AITA</b> zeruetan zarana	egun honetako ogia;
santu izan bedi zure izena,	parkatu gure zorrak
etor bedi zure erreinua,	geuk ere geure zordunei
egin bedi zure nahia	parkatzen deutzegun ezkeror;
zeruan bezela lurrean ere.	ez eiguzi itzi tentazinoan
Emoiguzu gaur	jausten,
	baina atara gagizuz gatxetik.

† Atara gagizuz, Jauna, gatx guztietatik,

emoiguzu bakea gure egunotan,  
zure errukiari esker  
pekatutik gabi bizi izan gaitezan  
eta estualdietan sendo;  
betiko zorionaren itxaropenean,  
Jesukristo gure Salbatzailea  
noiz etorriko dan zain gagozela.

- *Zeurea dozu erregetza;  
zeureak ospe ta indarra orain eta beti.*

**BAKE ESKEINTZEA** (Abadeak)

† Jesukristo gure Jauna, zeuk esana da apostoluei 'bakea izten deusuet, neure bakea emoten'; begira zure Eleizearen sinismenari eta ez gure pekatuei, eta zeure gogoa danez, emoiozu eleizeari bakea, emon batasuna, errege bizi zarat, gizaldi eta gizaldietan.

— *Amen.*

† Jaunaren bakea beti zuekin

—*Eta zure espirituarekin.*

† Emoiozue bakea alkarri.

Jaungoikoaren Bildotsa,  
zeuk kentzen dozu munduko pekatua: *Erruki, Jauna.*

Jaungoikoaren Bildotsa,  
zeuk kentzen dozu munduko pekatua: *Erruki, Jauna.*

Jaungoikoaren Bildotsa,  
zeuk kentzen dozu munduko pekatua: *emoiguzu bakea*

## JAUNARTZEA

† Hona hemen Jainkoaren Bildotsa, hona munduko pekatua kentzen dauana: zoriontsuak honen mahaira deituak:

—Jauna, ni ez naz inor zu nire etxean sartzeko,  
baina esaizu hitz bat eta osatuko naz.

## Jaunartzean

*"Holan egin da beti",*  
alde batera itxi,  
aldaketa ez uko:

Gaixo zein pekatari  
baztertuta, danari  
guztiok alkar josi

Eliza barri, danok lekuko.

mundua jagon: hor «Laudato  
'si».

### **Begirada zelan dan adi**

Jesusi begira bizi  
harrera ona gure alkarteetan  
mila kolore dantzan  
bihotzetan.

Baltzak eta zuriak  
herri txiki, uriak,  
erdaldun zein euskaldun  
mila kolore danok fededun.

### **Jaunartze ondoren**

**Jaungoikoaren hegoenpean:** ze bakean! (2)

Indar guztiak dituanaren kerizpean (2).

Jauna, nik dinot: "Nire kerizpe dot zuregan;  
bihotz guztiaz nago Jaunaren eskuetan."

### **Azken otoitza**

Garizumako ezaugarriok ospatzen doguzanak, Jauna,  
berradiskidetze indar egin gaizuzala eskatzen deusugu:  
"gaurko limosna" egiten jakin daigula  
gaisoak zainduz eta hareen arriskuak saihestuz,  
zu ondoan somatzeko eta pozik agertzeko otoitz eginez,  
eta barau egin daigula, behartsuen ondoan egoten jakiteko.  
Jesu Kristo gure Jaunaren bitartez. Amen.

Hartu dogun sakramentuak, Jauna,  
eragin deigula Zuk atsegin dozun  
eta guretzat osasungarri dan baraua egitera.  
Jesu Kristo gure Jaunaren bitartez.

### **Abestia**

Zure aurpegi bila / gabiltza gu, Jauna;  
zu zaitugu argi eta salbamen,  
zu, **Jauna**, biziaren babes.

—Uste on izan Jaunagan eta izan gizon  
Jaso bihotza eta Jaunagan sendo egon  
Zelan dan Aita bere umeentzat bihozpera  
halantxe da Jauna fededunentzat onbera.

### **Azken onespina**

† Jauna zuekin.

—Eta zure espirituarekin.

Oi Jainko, emon bihotz onez damu-espirtua  
zure aurrean apalik makurtzen diran zure seme-alabei,

damutuei Zuk agindutako saria  
zeure errukiari esker lortu daigun.  
Jesu Kristo gure Jaunaren bitartez.

† Bedeinka zaizela Jainko ahalguztidunak:

Aitak eta Semeak eta Espiritu Santuak.

—Amen.

† Zoaze Jaunaren bakean.

—Eskerrak Jainkoari.

**Jaungoiko santua, Jaungoiko indartsua,  
Jaungoiko hilezkorra  
gatx guztietatik gorde gagizuz, Jauna.**

Egoki da, bai, eta zuzen, bidezko eta sal-ba-ga-rri, no-na-hi eta

beti guk Zuri eskerrak e-mo-te-a, Jauna, Aita guz-tiz san-tu,

Jainko ahalguzti - dun-be-ti - ko ho-rri. Guk Zu-ri eskerrak

emotea nahi do-zu-e-ta, penitentzi-a eginez eta jan-edanetan neurri-

a har-tuz; holan, gure pekatari-harrokeria he-zi-rik eta gose




diranei jatekoa e-mo-nez, zure bihotz zabalaren antze - ko i -

zan gai - te - zan. Horregai-tik, aingeru guztiekin ba-te-ra,

bi-hotz ba-tez gorespen hau kan-ta - tzen deu-tsu-gu:

♩ J = 60

# **GARIZUMAN**



1) **Basamortuan zehar** dabila Jainko-herria erromes;  
argi, bake ta maitetasuna dakarten zeruen galdez.  
Agindu-lurra Jainkoak deutso emongo kateen orde;  
penak utzita poztu daitezana bizi barri baten pozez. R/.

**R/. Zure pozetan goaz, Jerusalem barri;  
fedea zuregan dau bere ziment-harri.  
Maitasunak zu zaitu bere berogarri.  
Biztu itxaropena zure herriari.**

2) Israel barri kurutzearen ondoren doa bidari;  
bide iluna argitutzeko hodeia dauka gidari.  
Zerua dau hark, Kristok agindu, erreinu eta lur barri;  
beronek deutsoz oinak sendotzen Jainko-herri barriari. R/.

3) Herriak euren minaren minez dagoz ezin-egonetan;  
bake, poz, argi, egia eta maitetasun bilaketan.  
Entzun zuk hareen negar antsia, eutsi bideko nekeetan,  
larri dabilz-ta zure etxe-bila fedearen urratsetan. R/.